

Super Praesidii Berkissevina reaedificatione: Et Militis Banalis Confiniorum Colapianorum exolutione.

Articulus 14.

Item cum in reaedificatione Praesidii Berkissevina, veluti in ipsis Colapianorum Confiniorum visceribus situati; ac cuivis hostili irruptioni vel maxime obvii, plurimum momenti positum sit; quo tantae necessitati eo citius posset provideri, cum et Sacratissima sua Majestas summam illam viginti septem millium Talle-
rorum, Art. 42. Anni 1635. denominatam (renovatis ad Tricesimatorem Nede-
licensem Mandatis) ex eadem Tricesima exsolvendam esse benigne annuerit: Supplicans Status et Ordines; ut statuto per eandem Sacratissimam suam Maje-
statem exolutionis modo et ordine (aliis etiam deputationibus interea suspensis) eadem summa exinde depromatur.

§. 1. Banalis etiam Militis, in Confiniis Colapianis existentis, juxta be-
nignam jam factam resolutionem, annualis exolutionis modum et rationem, suam
Majestatem Sacratissimam clementer adinventuram humiliter confidunt iidem Status
et Ordines. *)

*Pariter etiam Officiorum et Praefectarum militarium Regni Sclavoniae col-
lationis conditiones observandae et effectundae.*

Articulus 18.

Quo in loco, cum eaedem Conditiones, ratione collationis Majorum, praesertim
Militarium Praefectarum in Regnis Croatiae et Sclavoniae, manserint inef-
fectuatae; ut deinceps ibidem etiam eatenus querulandi amputetur occasio, prae-
missae Constitutiones in effectum deducantur; statutum est.

*De militum Caproncensium et aliorum, contra Incolas Comitatus Simigiensis,
injurias et insolentias exercentium temeritate coercenda; Uti et contra Crisi-
ensem Capitaneum Nobilitati Sclavoniae injurias inferentem; Militis item Ca-
rolostadiensis et Capitanei Segniensis exorbitantias, juxta Articulos qualiter
procedendum?*

Articulus 22.

Quia etiam injuriarum et querelarum moles circa depraedationes Comitatus Si-
migiensis, per Milites Caproncenses, Dernenses et Szent-Györgyvárienses, Ca-
pitaneis, Caproncensi et Sancti Georgii subjectos, necdum cessasset; Uti etiam
per Capitaneum Crisiensem, Nobilitati in Regno Sclavoniae, antiquitus illatae,
novis ac sub ipso etiam decursu Commissionis, vigore Constitutionum Anni 1635.
institutae, in praesentia deputatorum Dominorum Commissariorum perpetratis,
accumulatae; Pari etiam ratione per Carlostadienses Milites et Capitaneum Segni-

*) Urgetur; An. 1659. a. 102.